

SUUNTAVIIVOJA

Suuntaviivoja vähemistöpulitiikan
työle

Ohjausdokumentti

Diaarienumero: KS/2022:526

Päättäny: Kunnanvaltuusto

Päätöspäivä: 2023-02-23 §25

Dokumentin vastuussa: Kanslian tehtävä

Muutethaan: Jos tarvetta

Seuranta: Kunnanhallitus

Kaikki päätökset jotka koskevat lapsia pitävät olla sovinossa lastenkonvensjuunin mukhaan. Ennen päätöstä pittää aina olla kokeilu lasten parhaimasta ja isomissa kysymyksissä, jolla saattaa olla nekatiivinen vaikutus lapsheen/lapshiin pittää ennen päätöstä analyseerata kuinka se vaikuttaa lapsheen.

Sisältö

1. Johdanto
2. Tarkotus
3. **Suuntaviivoja vähemistöpulitiikan työle** **4**
 - Laajuus.....
 - Tietoja kunnan verkkisivula.....
 - Eistys ja yhteisneuvonta
 - Kontakti 5
 - Kansalisten vähemistöjen kieli esikoulussa ja koulussa
 - Kansaliset vähemistöt avustuksen alala sosiaalipalvelulain mukhaan
 - Järjestelyjä ja aktiviteettiä
4. Seuranta

1. Johdanto

Laki (2009:724) kansalisista vähemistöistä ja vähemistökielistä vahvistaa kansalisten vähemistöitten oikeuksia ja määrää ette kunnat pitävät omaksua suuntaviivoja vähemistöpuliittisele työle. Ruottissa on viis tunnustettua kansalisia vähemistöjä. juutalaiset, romanilaiset, saamelaiset, ruottinsuomalaiset ja tornionlaaksolaiset. Tunnustus Ruottin histuurialisia kansalisia vähemistöjä on tärkeä demokraattinen periaate joka on kansainvälisten konvensjuunitten tulos ja perustassa se koskee ihmisoikeuksia. Kansalisila vähemistöilä on sama oikeus kun enemmistöväestölä säilyttää ja kehittää omia kieliä ja kulttuuria. Ruottissa on viis tunnustettua kansalisia vähemistökieliä: suomi, jiddish, meänkieli, romani chib ja saame. Tunnustus merkittee ette yhteiskunnala on erikoinen vastuu ette nämät kielet saattavat ellää, kehittyä ja siirtyä seuraavale sukupolvele.

2. Tarkotus

Suuntaviivojen tarkotus on ette antaa ohjeita Tranemon kunnan vähemistöpuliittisele työle.

3. Suuntaviivoja vähemistöpulitiikan työle

Laajuus

Suuntaviivat koskevat kaikkia kunnan toimintoja, yhtiöt mukhaan luettuna.

Tietoja kunnan vebbisivula

Kunnanhallituksela on vastuu ette on nykyhetken tietoja kansalisten vähemistöitten oikeuksista sekä ohjausta kuinka tämän alan tietoja saattaa noutaa enemmän kunnan vebbisivulta.

Eistys ja yhteisneuvonta

Kaikki kunnan järjestyksen osat pitävät työskentellä ette suojata ja eistää kansalisia vähemistökieliä sekä muutenkin eistää kansalisitten vähemistöitten mahdollisuuksia säilyttää ja kehittää ommat kulttuuria. Erityisesti on eistettävä lasten kulttuurista identiteettiä ja oman vähemistökielen käyttöä. Kansalisile vähemistöile on annettava mahdollisuus vaikuttaa heihin koskevia asioita. Ja jos on mahdollista, pittää olla yhteisneuvontaa heitten kans sellaisissa kysymyksissä. Tämä mennee järjestää Tranemon kunnan ordinaarien kansalaisten dialookin kautta.

Riippuen asian luonteesta ja kohteryhmästä se on Tranemon kunnan tehtävä ette lua sopivan muoton yhteisneuvonalle, joka eistää moleminpuolista, tasa-arvoista ja luottamukselista keskustelun vaihtoa. Erityisesti pittää eistää lasten ja nuoritten mahdollisuuksia vaikuttaa yhteisneuvonassa asioissa, jotka koskevat heitä.

Kontakti

Jos kunnala on pätevyyttä käytettävänä ja jos yksityiselä on toivomuksia pittää yhteyttä kansalisela vähemistökielälä sen pittää toimittaa. Kunnanhallituksen ja jokhaisen yhtiön tehtävä on ette ilmottaa työntekijöile lailisista oikeuksista käyttää vähemistökieltä. Vastuuhun kuuluu kans ette tuntea kuka eli mikkä koleekat ossaavat jotaki kansalista vähemistökieltä ja toimia ette kunnan kielipätevyyttä otethaan taltheen.

Kansalisten vähemistöjen kieli esikoulussa ja koulussa

Opetusseksjuuni pittää ilmottaa kunnan opiskelijoile ja heitten huoltajile kansalisten vähemistökielitten opetuksen oikeuksista äidinkielälä. Opetusseksjuuni pittää esikoulun toiminassa kartoittaa maholista tarvettaa äidinkielen opetusta kansalisten vähemistökielissä. Silla tavala koulun opetusta mennee suunnitella.

Opetusseksjuuni pittää eistää ette kehittää ja tehä käytettäväks opetusta, esimekriks laajentamalla distansikoulutusta, sovitettua opintomateriaalia eli muula tavala. Yhteistoiminta muitten koulupääjohtajitten kans saattaa olla yks muu vaihtoehto.

Kansaliset vähemistöt avustuksen alala sosiaalipalvelulain mukhaan

Huoltoseksjuuni pittää tarjota sille joka toivoo maholisuuvun saa huoltoa henkilöiltä jotka ossaavat jotaki vähemistökieltä, jos kunnala on käytettävänä henkilökuntaa, jolla on sellainen kielitaito.

Järjestelyjä ja aktiviteettiä

Yhteiskuntaseksjuuni pittää toiminan suunnittelussa maholistaa järjestelyjä ja aktiviteettiä jotka kunnassa levittävät tietoja kansalisitten vähemistöitten kielistä ja kulttuurista. Yhteiskuntaseksjuuni pittää eistää kirjastoja jotka sisältävät kohtauspaikkoja henkilöile jotka puhuvat jotaki kansalista vähemistökieltä. Näyttelyjä, satukertomuksia ja teatteria eli muu lasten kulttuuri on maholisia esimerkkiä. Tärkeä on kans ette on kirjalisuutta kansalisissa vähemistökielissä sekä kirjalisuutta joka käsittelee kansalisitten vähemistöitten kulttuuria.

4. Seuranta

Suuntaviivat piethään arvostella ja muuttaa jos on tarvetta.